

晚晴移詩匯

晚晴移詩匯卷八十目錄

朱珪 三十四首

梁國治 三首

李中簡 六首

邊繼祖 一首

劉星煒 三首

圖鞞布 七首

博卿額 二首

宗室良誠 一首

朱景英 十首

水衛 一首

汪舟 二首

黃文蓮 二首

鄒儒 一首

那霖 二首

朱麟應 三首

余慶長 二首

汪仲鈞 十五首

劉墉 四首

譚尙忠 三首

何逢儔 一首

葉觀國 十首

周於禮 一首

晚晴移詩匯卷八十目錄

羅典 一首

張曾敝 二首

陳鴻寶 二首

戈濤 七首

吳肇元 一首

路談 二首

饒學曙 一首

王元啟 一首

張紹 一首

晚晴移詩匯卷八十

徐世昌

朱珪字石君號南厓晚號盤陀老人大興人乾隆戊辰進士官至體仁閣大學士晉太子太傅贈太傅諡文正有知足齋集

詩話文正以甘盤舊學晚陟綸扉平生事蹟詳具國史持節南疆仁宗在書房常願手札積一百三十九函歸朝繳進上亦書數年懷公詩數十首爲二册題曰兼葭遠目曰山海遐思以示公明辰之契稽古之榮古今所罕觀其詩探源漢魏參以昌黎博大雄深直吐胸臆承平臺閣中固當首屈一指也

滄洲鐵師子歌次劉崇如韻滄洲鐵師子傳柴世宗而作歌家兄竹君和之金火其義作周宋識余考五代史滄爲契丹兵瀛地地鄰三關意師子之鑄在征契丹時乃廣其詞云

雀兒肉飛穀厥昏天階蚪蛇鬪兩門龍岡蕪燄木葉髡

腕斲臂喪老鴛封豕齧肉死且奔虎鹽饕腹招魁魂睡王
畫斲尸高軒帝柴化狡以口吞之而耗麕不可捫崑崙作
尻恆象元金人十二齊根源鑪炭銅象天爲渾劫灰黑颺
逃幽冤師子踞火雄匡藩熈曠包鶉黃龍垣白虓蒼麟鬪
子孫牽牛奪牛罪天龍彫艘龍艦橫翔騫率然首尾巴蛇
掀銅頭鐵額腥鱗翻益津關狹擘巨躡帝貳樞中作牛言
白駝血殷空旅賁碧墓啗月囚棘樊馬暗戟光利報反鬪
饑大豕萬鬼喧欲監醉顛當犧尊豈知病龍惡識存猶生
鑄鐵厲不諼吼聲目裂礮碑倫怒坼北極師牝坤鐵魁舌
舐血口論雌雞孕石卵卵痕犍父駕兒如犗犍箭鏃插地
鍛羽繁池魚之頭千里燔紫披襖煨扶桑噉封臂熱飲盍
血温天如不聞烹天闔叱九虎豹怖瞑屯帝賜羶犬飽厥

殮徐命之歸但空村夾於霸雄窟滄墩魂欲上天不得援
天兵四羅蚩尤旛龜蛇句陳蠲以蜿金眸玉爪當道蹲鑿
錚尾齒威鋪敦沐跋浴灑坵臙暄

李唐園監丞文園學士花墅對牀圖

帝城春晚花始殷鄂不枝葉交爛煽四門清暇玉堂散對
花一笑初開顏酒清歌緩月欲上牀移花鞦園暫關伯兮
德尊愛更篤弱弟名達心能閒人生富貴亦何有天公付
與茲尤慳憶子鴈行當早歲同翔禁樹聯清班五年遠游
感衣帶三冬歸處嗟繩菅不知蕭蕭幾聽雨坐愁望望勞
登山何如君家好兄弟花前娛戲頭已頽無忘嘉樹喻翻
反有夢春草生灣澗更知君實性則友承華退直常追攀
致身槐棘正不免且祝異雀銜雙環

晉王宮漆椀歌和齊進士

翀

齊君示我古漆椀百年遺器出晉宮寶賢石斷砌馬櫪此
物真贗誰能窮黃金中途已攫去吁然外殼康瓠同雕幾
蜂蝶萼跼鞞華質殷駁宜飡饜當年赤龍起豐沛鏤金牀
碎江州東欲以釧篋教儉德更分寶玉班宗功髯王中道
答膳宰詔書馳戒何翺翺一傳燕啄劫七鬯世守虎節完
圭桐端王西河尤孝謹芝生泉湧天鑒衷橫汾流觴珠履
錯豔趙挾瑟醜顏紅耐金高廟拜膳脰宥坐敬器銘謙沖
豈知九鼎忽折足闕然大盜來關潼孱王鹽腦就桎梏美
人智井愁芎藭玉魚金盃尙不保駝山夜發亡羊童微乎
微者此何幸流傳好事催詩筒君豪傑敦已在手我更何
有爭雕蟲歲寒燭跋歌正放浮白且潤鳴腸空

謁蔡忠襄公祠

天牢夜放蜥蜴蟲化爲無角垂天虹阿誰射之警厥瞳摩
牙忽到觜觸宮當年盜首十八子鯨吞欲噉黃河水蔡公
講學兼知兵書生有膽堅于城潼關破竹大事去晉宮焚
玉龍唬腥從容一死報天子神完不作睢陽鬼烈士同心
五大夫馨天浩氣長無餒我今摠衣拜下風想公濡縷丹
心紅猿愁鶴唳滿碧空有酒澆我燒劫不化磊落之心胸
途次清風店寄竹君兄

五年別君如轉轂江南山北恩同沐兄歸校閣擅雕龍我
戀乘軒類刻鷺太行一握望雲心槎月三秋依斗目肉食
無墨詎屬饜邑中有黔空執扑疲牛負重怯長途駑馬嘶
風思舊牧天膏膚寸蟻知潤朝陽咫尺葵先豈銜泥若許

明前未聲圖卷之二
二二
認巢痕飲河眞欲捫便腹聽雨已聞西向笑把萸竊恐登
高哭穿林瀉玉卽未能烹鶴焚琴差免惡知君擁書花滿
圍期我來看巾共漉

珪蒙恩復入翰林竹君兄疊前韻見賀輒疊奉答

方材宜軫園宜轂散樗亦受膏霖沐車行平地穩栖雞巢
近高天收野鷺十年悔不熟讀書一枕何當淨揩目君如
退之苦詰盤我學方平甘鞭扑布帆無恙到三山肉芝可
採輕九牧羨君高議開石渠坐令玉堂生暝昱子雲口吃
頌鴟夷不能爲舌聊爲腹偶作劉誓妻孥嗔深辨頡書神
鬼哭東坡有弟何敢望太邱必世應知惡漫誇屋上星蔚
然且聽窗前雨滲漉

移居鄂不草廬翁覃溪同年作詩見贈次韻奉答

遠游焦反巢重載牛出滯十年悔已遲二尺檠可乘昔君

抱一經負郭無半頃射藝纒襦單駢角緣鬢竝敲音捷崑

叫童詠爭春竊磷堅厲方須翻水成已省枚賦子真皋蘇

策我慚穎以上敘子與覃溪王戊年童子試事心痲癸秋肫癸亥七月三日先慈見背思

樂甲晝永甲子夏覃溪入學窺圍苞天葩聽瀟遠人境朱絃未成

聲雪萼正開嶺合穀兩情越聯珠乍噤耿乙丑十月子與竹君兄服闋同

人秕粟或颺前金鍼實脫穎國香發鞞觸天愛夷曠兩丁

子與覃溪同舉於鄉而覃溪旋丁外艱麻衣寒不掩漿歛日愁併似甘決踵

貧不恥結駟騁楚喜獨逃虛庚諾誰呼井幽居閱燧火奇

文露鼎炯俄聞排雲唳忽掣追風影北空五花散南徙八

翮整詩成雞林購語出粵佗警擁軒氣如虹穿榻學更靜

蕙轉譽髦樂筵折不率屏高摩赤霄温迴翔元閣冷琅嬛

啟鍵開獵碣搜榛梗宵稽下太乙晷較攀大丙竿吹不自
量肉食久竊鼎聖恩鑿臣慵史筆仗公等具邇直其然如
願心所請新知豔種桃舊雨憶賣餅忘筌豈無魚斷榦尙
有綆卅載但俯仰萬籟何疆町三秋感月破一夢憐裳駭
學道守予雌讀書羨子猛雕蟲已袖手集腋思挈領節三
關潛光尺五求中景蔽根可素飽醉心漫狂醒卜鄰兄得
同紆轍子非迥久要定忘形薄酌差勝茗

閏月廿五日張樊川虞錦亭陳繩菴汪持齋李郁齋
李文園吳澹人小集鄂不草廬消寒有作呈諸公
卽求和章

卅年參尾各西東今夕相看笑語同蒼鬢行羞蟻泛綠醅
顏還映蠟搖紅蓉城縹緲空懸月

邊學士博大
尹相繼厥世閩苑森深

不漏風

梁司農直樞密隔城不與

落落八仙拌一醉漫將花影照卮中

是夕行探花小令

出都日竹君兄贈我長歌三十六韻緘行篋中過淮

陰舟中發而讀之乃得次韻

長勤翼倦樂暫休便靜倪動當遠游三萬六千雲衣狗東
西南北風馬牛我行閩粵別豈久臨歧贈我情歌修此邦
文獻兄手錄然犀照海珊網收橘黃荔丹昔拱把十年又
見霄煙浮延津交劍氣隱斗螺嶺應石聲鏘球山川阻深
空谷秀國香脈脈心香搜著書尙欲抗馬杜講學未肯卑
嶧鄒鼇峯頂上曾駕說諸生爲我神淹留我時初壯今向
老芙蓉開落二十周久拋蓄畚就鹵莽差可臭味分醜首
輪君曠蕩海鷗逸愧我局縮轅駒緝宦游將逮天下半勝

蹟屢負山靈羞茲來稍覺日月暇計程坐嘯江淮舟丑興
午憩避炎暘間復攬轡調剛柔跋泥厲水不足道喜見岱
嶽雄東陬躋攀絕磴敞天闕呼吸上絳儼攀褒高齋夜宿
吼風雨齊泐擬作銀潢泗惜哉未踐對牀約商歌不共初
平傳翻思大觀盪雲海黃山衡山誰拔尤卽今渺瀰棹吳

楚湖波連天靄迺愁甃社隄頭蓼花紫謝公堰上棠陰秋

六月二十六夜泊邵伯驛明旦寅刻立秋

金山翠堵最上級俯瞰無帶江天悠

西湖幽處一凝盼故侯瓜蔓心如抽

謂同年杭州太守邵闈谷新遊 衢嚴

佳絕夙往復夜渡七里風颼颼江卽曾觀盡頂踵三生念

爾情呶歎仙霞庾嶺賡舊句冰銜依舊心渝不

子己卯秋自翰林侍

讀學士授福建糧驛道冬度仙霞嶺口占云千峯迤我碧

峻嶒回首瓊樓意不勝莫謂頭銜新換卻此心依舊一條

冰今二十年復以侍讀學士典試入閩俯仰前後益增晚節之凜矣

傳家德薄書易蠹報國

力小恩難酬

甲申冬間赴出嶺不忍作詩泣而自傷得三句云有書尙作傳家種無父空餘報國身

注雅蟲魚欠識字偷倉雀鼠解怒調達天君自追玉局養生我亦師子由貫珠但保一黍得如縷莫令千絲繆亡羊詎辨書與博笑譽奚足生喜憂文章金石君不朽寸田尺宅吾所求別腸雖暫尙車轉拱壁坐進誠或優奇詞險語感深厚舟中百讀歌聲遒寒光映驪三十六和罷仰看龍尾稠

此後大火將西流尾將中

仙霞嶺

凌晨發山館透迤入嶺麓日及粲白丹蒼蔚交竹木壁蝸延一綫蟻磨旋千轉仰睇闕青蒼迴矚蕩心目山腰得精廬呀喘息與僕再鼓升天險重關益地軸唐巢力攻栞宋浩事剷築七百六十磴上下捷猱鹿重來躡飛霞一俯眾

峯矗茶嶺接小竿突兀更騰伏瀼瀼下瀨水閩浙雨不蓄
西流達江西百里走瀧瀑地脈所屈蟠龍蛇斷起陸曠途
暫顧眺前行勢方族

楓嶺

大竿與楓嶺名異實不殊川原甫夷曠再東尤嶽嶺攀登
二百級天半鬱以舒復上玃椽欒厯厯摩星榆巖疆劃閩
浙居保從無諸陰陽異涼燠懸派分注趨老僧涅槃竟誰
爲裝蛻軀俛首兀不化過客三歎吁菩提本非樹何事標
枯株蠡涌嶺頭泉逝者如斯夫

梨嶺

竿嶺萬竿竹未若梨嶺奇叢篁拔地底翠葆排天達蒼蚪
百千億飛舞鱗之而太古崑崙陰綠鳳蕃雄雌軒倫久未

截天籟鳴參差行者忘登頓夢上青宮嬉松杉矗千尺古
桂花滿枝臨風一攀折載路香軒帷夷猶下碧階綵繡
玕琪我行亦已遠翹首龍蕤移斐然與君子瞻望歌猗猗

將至浦城口占

輕輶小插桂婆娑一路香聞使者過幾甕黃蘗憐臭味卅
宵青眼費摩挲誰家夢筆才如綺有客臨淵鬢欲皤爲語

皇華山上月肯教清影負幽蘿

縣北有皇華山

七月十五日望雨

四牛欲鬪不肯合空雷密雲風颯颯蔚藍高高不敢捫龍
骨踏翻腰脛摺齋蔬半月心如熏垂楊左肘膚苦嚼乘軒
無功鶴自愁堰水將枯魚可罨淵珠誰掇驪睡酣天壺不
聞娥笑霄乾憂何術暴尫巫直欲飛精叩閭闔豈惟秋炕

懲稻蟹安望冬饒通蜡臘穹慈或憐熾蝨焦氣縕暫教山
澤沓蒼茫靈意不可知一夜冰夷鼓鏗鎔相呼賓從歌澠
陵徧賽祇壇醉鼻榼

除夕檢點詩草

作詩貴精不貴多三百星宿光羲娥漢初俎豆十九首三
曹競爽詞駢羅步兵詠懷八十一淵明醉語尤醇和六朝
鮑謝事雕纂杜李崛起鳴龍擢昌黎全詩三百八已駭變
怪雄山河後來才大號蘇海萬斛泉涌惟東坡香山劔南
極爛漫誰挽下瀨滔滔波徧師仄徑爭擅巧瑣碎蟲鳥奚
足科我幼學吟不自惜信手撒擲輕塵羸六十年前驚一
呖宦游荒落行蹉跎零篇假鈔或乾沒斷句火化神傳哦
皖江四載偶搦筆使僕寫棄隨差訛轉粵攜來一書史有

作卽錄嗟縷觀今年四百羸七十雖多奚用孰切磋勞勞
案牘靡夙夜餘力得此亦自訶飛鴻刻爪亥紀日誰其作
者翁盤陀

除夕讀笥河先兄七古詩鈔本

笥河詩筆老更奇天巧出險非人爲黃山萬古松倒側玉
華千笥神雕削我嚴金鼓程不識何來飛將橫絕域四圍
解馬卧正酣一矢穿燒石已泐後死于今十七年遺編讀
罷心旌翩當時廣唱火攻急闕水隱見珠光聯今夕何夕
歲將改斯文得失斯心在時人輕重那足云一鳴雙鳥三
千載

贈涇縣包生

世臣

包生麟之角乙貢天篤祥清抱冰雪骨皎發雲火章覽子

禱雨篇濡墨舞商羊遂令萍螭號不用誅巫廷觀察攜以
來奇才誇洛陽試以山海歌跋浪擺雷碾胸羅表餌策武
庫森星芒聚米辨形勢周陞把維綱終軍對奇木鄴侯賦
圓方貫弗腹經笥纈粟括智囊百鍊大冶金且勿躍干將
豫章拔地深夏屋資棟梁遲爾培風厚不獨火色揚養成
九苞翻一鳴狙天間

戶部銀庫觀明藩藩南山主人造傳古大元寶歌

百斤大寶誰所鑄有明嘉靖丁未冬南山主人篆傳古龜
璋鎮世弓昭彤明祖分藩藩廿一簡王模肇潞國封六傳
允侈當世廟諸郡爭襲王獨恭張桂焰熄夏嚴閔鑄鐵成
錯朝匄匄淮南鍊藥躍大冶河間好事殊三雍非鼎非劍
六丁煽利鈞關石王府庸大盜移舟魚已爛輦載俘寶駝

行邁銅人入洛斬蛇失此物何以逃銷鎔一門好學旌孝
義封殖底事攻金攻瓊林大盈足殷鑒況此兒戲豈正供
作歌聊復論其世變幻蜃市隨雲籠

宋高宗瑞應圖卷六絕

一爲磁州射兔事一爲相州
飛仙亭三射碑額事一爲冰

合渡河事一爲甲馬追及遇媪求漿事一爲夢皇
帝脫御袍賜服事一爲顯仁后以黃羅裏將棋卜

入九
宮事

渡河冰合媪貽漿龍袞中宵拜紫皇半壁東南誇瑞應苗
劉折首又汪黃

射兔猶應憶射雕將軍湖上且逍遙同心君相天如格不
見錢塘起怒潮

江左曾疑馬易牛何如羅局定箕裘春光不耐秦頭重誰
問黃龍愧相州

天光分照劃江淮爭說臨安石鏡開燭影漫搖歸秀邸杉
青牖又浴香孩

幾番航海幕紛紜贏取西湖老白雲慎勿輕聽張相國如
何容得背鬼軍

畫手流傳辨李蕭晉園稽古析纖掣玉堂休夏披雲笈聚
景湖山緬六橋

吾聞

吾聞廉不劇於陵曷足賢在彼成若性效尤失自然責人
日以甚恕己忘其偏辭受與進退魯鄒有申權伯夷尙云
隘何況子莫堅金剛無四相從容道自全夫子思狂猥顏
閔方比肩願以告賢哲過猶不及焉

客有規我濫涇渭了不分清濁雖異派支流有花潰我時

濯纓足我心如鏡雲何嘗汨其泥不黨胡不羣陰陽互消
長主一斯爲君君看元祐世洛蜀何斷斷涑水不能解誰
罷蠻觸軍

有客箴我亢致悔吾自知知進不知退自反不至斯本欲
洞城府表裏毋自欺吾怪酬酢交匿怨言如飴面諛背不
溼謂熟智巧機有時對尊酒醉語何淋漓不如守質直遇
人皆等夷小人尙可孚君子胡可疑居游七十載與物誰
乖違搗謙與慎密吾當佩弦韋

對花作

花香與花色神觀清我心和風送微雨卉木皆懷歆終日
聊盤桓獨賞愜幽尋有時來佳客取酒亦共斟吾老窘視
履百匝繞徑深此疑玩物癖實鮮根結淫博奕猶賢已况

茲生意臨

那爾蘇台梁西山根紀事

山形隘而峭峻極踰層梁螺旋更上上蟻折盤高岡昨宵
秋氣肅晨起白露涼陽升照晃耀紅樹烘青蒼傍午駐山
根飛捷掣電將竹溪大師克秋望屠封狼蒲盧投絕崖倒
挂貳負僵太不馘兩耳左右不相當窮極信有徵芟割董
葵根七年芽葉盡餘醜秋蝸塘從此巴蜀秦蕩滌天河滂
送喜正恭默是日世宗忌辰不行圍一誠通上方中外動聽覩於赫
揚烈光我皇恫黎赤謙益遵虞唐

巴顏布爾噶蘇台大營

秋夜肅已長微霜下百草晨興襲我裘彌望互顛顛缺月
尙在天朝陽未出杲俄頃煦溫暉山色圍翠葆移頓廿里

近遙瞻扈黃纛大庖非不盈狐兔跡已掃以茲喻巴蜀疾
風振枯槁功成不再發強箭穿魯縞

度草帽梁

上梁山以陽下梁山以陰戴笠復覆笠圓瘳何嘔嶽東南
轉西北巴彥富有禽麋麋麋塵仗仗何駸駸虎羆寔遯
逃狐讒迷櫛參雉子飛不高決起還出林四更月朦朧
飛入山林當午日照耀太乙王中心詰朝將安止後夜分
秋金帝車漸南指平日中觜參

鄂爾楚克哈達大營

移營十里近張圍百里遠昨夜雨蕭蕭五更月出坂紅雲
映四山白雪集高巘非誇射獵雄意紹天行健今朝獨東
山明晨陞西圜地極夕陽陬馬首踰梁反是時秋正中平

均適潤烜興安互大嶺按策匝駿踠四隩本一家豈域中
外捷

度樺皮嶺

桑下不三宿樺嶺遵以南嶺陰風烈烈嶺南日暹暹乃知
地氣隔秋仲均燠嚴此嶺互大嶺亦據興安尖乙巳初扈
從跨馬聯靳驂紅葉豔霜楓豪氣誇盍簪粵游度梅峽皖
陟凌黟灑峻極五嶽外絕磴峯排籤石骨間土肉重艮山
斯兼竭來十八載老矣扶筇慙桑榆勉學道游戲低叢蠶

伊遜河

伊遜九曲出崖口發源西拉淖爾南盤腸詰屈山腹轉開
張面勢隨風嵐架木爲梁土茨覆驅馬爭過防絰驂厲深
崗淺互跋涉詎云咫尺劍可函飛潦湯湯或滅頂中流一

壺那敢探我今揭來快晴霽輕軒穩度行趁趨坡賚近與
永安接東西相望山之龕紅蒼罨畫引遠眺清澈漱石罨
澄潭翠華陰羽獮將竣牖生鉤月絳初三捷郵火速慰宸
廕大武上告功全載

梁國治字階平號瑤峯又號豐山會稽人乾隆戊辰一

甲一名進士授修撰官至東閣大學士諡文定

詩話文定篤內行起巍科登政地而渾穆恬淡不改其素與陶鳧亭論詩好用險韻嘗爲晚眺聯句擬用乍怕二韻作出語曰花氣入簾深鳧亭積曰竹露滴衣作又繼之曰危闌影自疑老樹聲可怕文定誦之

置不
過觀音巖

石壁立水外風濤浩洶洶何年巨靈擘幻此金蓮湧
豁幽竇液灑垂乳湮飛空上危梯萬象羅森聳澄潭空心

顏倒景羣山拱江帆日暮搔回首蒼煙重一聲清磬鳴上
界香雲擁

游七星巖

七星巖石嵯峨浮空一氣青蒼摩上涵太古之風煙下澄
萬頃之湖波珠衡玉斗天心落翠黛千尋照城郭巨靈開
鑿始何年朵朵芙蓉新秀削昔聞羣帝朝太清天神嬉笑
玉女迎來此讌集千觴行前騎麒麟後長鯨鳴鐘交鼓吹
竿笙僊音縹緲隔天上至今好鳥傳其聲初向雲關訪靈
笈洞口惟容一人入須臾摩豁圓廬高石髓淋漓滴猶溼
靈景何窈冥元精乍噓吸呀然竅穴潛陰風金關玉籥嵌
玲瓏山僧束炬照危壁譬然電燭開雙瞳宛延翠氣邈迤
青虹飛梁跨接風雲交通玉文石記鏄歲月裕衍垓圯迷

西東殊形詭狀不可悉僧言下有虬龍宮虬龍含霧靜
蛸蛸一綫光明天白雲片片都輕舉石人如花琢龍女
頗黎寶樹車渠葉淨界分明聞佛語僧言此是璇璣臺火
齊瓔珞千玫瑰清霄縞皓延素月映空萬里霜華愷我聽
僧言意未足直上天門散遙矚手招三辰引鳳凰銀河開
流溢戶旁乘凌清氣臨洋洋仙風吹落天花香三山五嶺
鬱何蒼蒼游心冥漠歸雲低昂仙都佛國事難記七星何
乃傳荒唐人間莫辨支機石天上迴瞻白玉堂

平定城樓天衢閣成詩以紀之

飛閣浮空接漢槎冠山濃翠挹晨霞關河榆柳連三月煙
火樓臺出萬家幾度嚴城籌保障偶從賢守話桑麻蓬瀛
天際塵難到指點人寰路未賒

李中簡字廉衣號子靜又號文園任邳人乾隆戊辰進

士改庶吉士授編修歷官侍讀學士有嘉樹山房集

詩話廉衣在詞館與朱笥河石君紀曉嵐戈芥舟諸君相切磨文譽蔚起典試督學分校鄉會試無虛歲王倫之變諸生有從逆者廉衣正督學山左坐講生平三授編修復望吏議鑄秩去詩清新道上五古源出子壽伯玉七古專學大蘇近體兼效中晚唐

登中山寺中元洞

山程不當游佳處聊目送晚憩屏山根長嘯得崖洞虛澗
跨平橋層嵐聳高棟欽岑款石闥窅窅轉雲銜石髓流成
坳鍾乳滴初陳荒碑苔蘚埋古佛香花奉前榮有平臺遠
目豁一縱四山皆回抱一水可俯控人煙與飛鳥遠色咸
自徂天風吹危石岌業皆飛動茲山蘊靈異非僅耳目弄
猶嫌近市塵未與幽人共石屏吐新月夜景繁情夢題詩

付山僧勿使俗客誦

秀水道中

越水不生煙吳雲時作雨
紆餘引孤興窈窕難具舉
緣勝稻穗垂芳嫩菱花聚
桑柘藹芊芊廬舍各有主
晚蓮尙含房嬌嬾依靜渚
豈無好句投欲采慚莽鹵
孤鴻天際來萬里傷毛羽
鷓鴣不同夢中夜起沙浦
風露悄空江含悽聽柔艣

天甯寺題壁示具如上人

殘棋空六代別墅見雙林
花竹弄秋色江山傷古心
香臺初月影禪板夜潮音
萬劫同環地真源試一尋

舟興

一枝柔艣破煙輕
卧聽黃頭報水程
柳岸近涵茅舍影
柁

樓早帶午雞聲已判梁燕三年別直訪沙鷗萬里盟爲報
江花香早放錦袍人作弄珠行

送戴東原南歸

惜別翻憐忽漫逢尊前天末失雲龍鴻飛紫陌無多日秋
到黃山第幾重避地名高孫祭酒傳家學絕鄭司農漢京
故事榮稽古歲歲三朝考大鏞

重過圓津庵觀芥舟題壁感賦

依舊清詩著粉牆懷人淚灑贊公房不須更奏山陽笛斜
日西風戰白楊

邊繼祖字佩文號秋崖任邱人乾隆戊辰進士改庶吉
士授編修歷官侍講學士有澄懷園詩集

輓句山先生步李廉衣韻

肯爲葺鱸便憶家暫留耆宿領清華詎知病似沾泥絮轉
覺官同著袂花風雅頓教前輩少清貧還重士林嗟茂陵
遺藁名山富早晚西湖走傳車

劉星煒字映榆號圃三武進人乾隆戊辰進士官至刑
部侍郎有思補堂集

詩話圃三精選學工駢體文於孟堅孝穆子安三家
致力最深而才氣書卷足以副之其譚藝以精轉華
妙四字爲宗
詩雅有此境

送秦生廷莖由當塗改調全椒

魚稻豐年瑞文章大國風濤聲五里外山色半城中躡屩
多名士傳衣望自公青氈君舊業勿使歎途窮
咫尺橫江路因風盼好音論文三歲字許國十年心姑孰
傳芳遠名公屬望深役車行部處爲汝憩棠陰

贈廖古檀明府

金斗城高鎖綠苔，公餘攜鶴任徘徊。知君懷古多情思，定上城東鮑照臺。

圖鞞布字裕軒，滿洲旗人。乾隆戊辰進士，改庶吉士，授

檢討，歷官侍講學士，有《杖巢詩草》。

詩話：裕軒奉使吉林，典試四川，山東所至皆有詩。晚以老乞休，卜居阜城門外玉河鄉池水村，有園，園竹木之勝，朱文正稱其詩高者，遍陶韋次者，卽事言景，亦北宋之音。

春耕

夜聞春雨聲，農人侵曉起。開門望南畝，平疇淨如綺。呼兒驅黃犢，徑去蒼煙裏。秉耒衝含膏，泛泛土花紫。隴長枯荻，深揚鞭泥沒趾。一犁復一耙，礪犂成輭美。東風吹蓑笠，布穀鳴不已。中田飯脫粟，盍餉妻孥喜。力田在及時，古訓良

有以歸來茅檐下濯足前溪水

鋤麥戲作

暝風吹春春色濃麥苗已茁東籬東山前一夜雨初足
翦羅積翠紛芄芄被隴壓畦不見地風來細浪搖蔥籠離離
黃花與點綴宛然詩思吟司空侵晨汲井自抱甕不將穡
事煩奚童培根理葉去荒穢力田豈敢言疏慵釋鋤入屋
仰面笑須酌巨觥來勞農

枝巢

茅屋三楹小閒園半畝寬苔痕緣徑合竹影入窗寒剝棗
充珍果烹蔬薦野盤客來迎送少拂石坐團圓

架上堆書滿屏間抱膝安田園三徑僻風雨一蓑寒樹色
連牆合山光入座看江湖安肯去聊此寄盤桓

聞蟬

豆角花開籬落底繞籬幽草綠萋萋
秋風滿院無人語坐聽蟬鳴到日西

遠風亭

灌木崇岡共幾重太行遮斷碧無蹤
遠風亭上橫窗裏牘見西南一兩峯

尋李麻衣不遇

偶向南厓駐小車叩門無大護田家
主人日暮不知返零落野棠無數花

博卿額字虛宥滿洲旗人乾隆戊辰進士
歷官奉天府尹

小相嶺用周學使碑上韻

漢相經營地孤城此日存
斷碑橫驛路老樹護關門
天末迴峯影山根極水痕
晚風聞社鼓報賽徧江村

漢中

周遭山翠列屏齊
草色平原望欲迷
雲棧南來秦地盡
漢江東去楚天低
轟雷絕壑巴船響
落日荒祠杜宇啼
遙指嵐光何處宿
西風笳馬頓銜嘶

宗室良誠字瑤圃饒餘敏親王阿巴泰四世孫乾隆戊辰進士改庶吉士授檢討歷官祭酒

恭和 御製雨中至喀喇河屯元韻

灤陽仙館駐霓旌
雨浥輕塵不記程
官樹兩行環左右
塞山半里判陰晴
樵聲斷續微風動
村舍參差夕照橫
襟袖霏霏自流爽
皇仁澤物與時行

朱景英字幼芝一字梅冶武陵人乾隆庚午舉人歷官

臺灣理番同知有畚經堂集

詩話幼芝幼慧弱冠卽有文譽庚午領解其官於閩人傳有叔子金環之事及渡臺灣撰海東札記風土人情言之甚詳時在林爽文亂前謂南北路兵單汎薄未雨之憂在海港山社之間其論尤有先見詩以清雋勝七言古曲而能達不落以文爲詩科白近體取法中晚唐時有名句

過耆闍寺

黃葉聲中蠟屐雙來尋初地背秋江穿蹊詰曲行香篆隔樹微茫見佛幢西笑人回塵塚夢南朝僧老雪霜降六時鐘磬三生路趁聽松關雨後淙

虎牙關

郢中健兒猛於虎樊城箭鏃紛如雨曹劉爭戰苦不休云此荆襄之門戶桓桓中興李與岳議守議復了數著呂家

小兒乳未乾坐受欺給失金鑰書生莫漫嗤驚湖完局終
歸孟大夫誰云在德不在險建瓴之下何時無盤盤磴道
馬蹶穴舊壘蕭條石凹凸礮車矢斨衝突餘過客鹽車困
九折亦知虎牙何敢然耽耽餘怒誰能前鵠鷗助威號空
山轉愁蜀道凋朱顏我來四顧雙淚溢下馬踟躕纏兩膝
如此關山不可行殷勤說與承平日

登鄭州夕陽樓

獨上高樓思渺然中原形勝夕陽邊九河帶雪聲趨海二
室盤雲勢到天狂以成名爲豎子達能退步卽神仙須知
楚漢尋常事我欲吹笙鶴背眠

送陳梅岑

長鈞

之任武岡學博

莫厭清貧甚儒林幸有君幾人陳古義吾道在斯文珍重

青氈席淋漓白練裘從來饒筆墨况對亂峯雲

君家髯太史碧海掣鯨魚已入先賢傳曾勞長者車文章
空白下兄弟近黃初賴有中郎在風流未讓渠

纔話燕臺別何堪又送行書徵秦博士門迓魯諸生我已
拌歸卧君還事遠征一官雖勉就含意各分明

題亡友王西厓

炎

所貽趙松雪書汲黯傳榻本後

王君書宗虞永興亦復鉤勒趙吳興吳興手蹟逞姿媚細
筋安得如秋鷹或言上石尤不可椎拓往往剞圭稜曩持
此論自東澗與君往復詞翻騰石本忽出汲黯傳翠墨黓
黓穢淫蒸森張劍戟嚴且整摸紙凸起驚峻嶒承旨他本
那見此率更令後難爲朋益信書家各師派服君鑒別言
有徵匹如半山論詩法玉谿善學杜少陵不然獺祭妄誓

嘗苦從字句分溜澠此本在篋近世載夜宿覆審開鑿嘗
更爲感舊動棖觸暗風吹閃青熒盤

雨行

寒氣侵晨薄征衣觸雨淒水喧千澗驟雲壓四山低客意
難行路人情畏在泥郎當問前渡一葉岸東西

江郎山

是何斲削青琅姿三礪坼墮紛葳蕤一礪一具紺碧暈神
秀都出天工爲各各古色繡斑駁頗如鼎趾連尻雕器象
奧行不敢逼矧敢摩撫生癡膩又如抗峙當闌右右拱左
辟中紳垂天外瞻矚氣容肅圖寫槐序周官儀流俗品目
罔出此晒余乍見滋猜疑云是江氏伯仲叔雲根立化肩
相隨以此閱世播萬口余不更詰心自嗤古昔名山率以

狀後世往往人實之望夫競界各有肖動稱古老傳聞詞
酈元作注每摭拾要爲文字增瓌奇江家兄弟訪何代毋
乃未闡鴻濛時不然茲山萬萬古安有族姓詳宗支此義
匪待智者辨丹青曷復煩吹疵作歌聊用狀形似勿驚翻
解常華詩

後隴早發

徹夜嚴風撼樹聲海壖北去早寒生真成五月披裘客那
更殊方叱馭行憊矣島夷煩力役寂然里鼓闕征程簡書
於我何相迫無限衰遲遠宦情

水衙字藩泉號鹿城保山人乾隆庚午舉人官霍山知
縣

桃源舟中

萬山歷盡一江平天許乘風破浪行沅水已過湘水近滇
雲遙隔楚雲生沿溪漁父頻迴棹夾岸桃花半落英我欲
泊舟尋大隱仙源雞犬莫相驚

汪舟字揖之號木堂天津人乾隆庚午舉人大挑陝西
知縣有桐陰山房橐

蒲口題壁

西風颯颯暮雲生驢背長驅古北平渡口桃花三十里半
林黃葉作秋聲

周衣亭先生齋中山茶花用劉后村集中韻

寶珠何忍棄山空喜託龍門豔一叢十笏齋中培老幹百
花頭上放殷紅還憐野卉經霜隕生笑唐花待火烘最喜
尋芳春不遠錦囊端欲倩奚童

黃文蓮字芳亭號星槎上海人乾隆庚午舉人官泌陽知縣有聽雨樓集

滄浪亭

昔賢高詠地杖策此重經蕭瑟閒亭外風潭入杳冥夕陽芳草碧疏雨遠山青遙指南禪寺鐘聲煙際聽

九日同吳企晉王琴德曹來殷游滄浪亭分韻得蓑字

石徑精廬近相攜載酒過白雲山色遠黃葉雨聲多異地仍佳節天涯足放歌五湖秋望好擬製釣魚蓑

鄒儒字宗魯棲霞人乾隆庚午舉人官高苑教諭

寄牟暢圃

白髮生青鏡閒居幽興饒春潮不滿岸夜雨忽平橋偶醉

輒中聖長歌或近騷故人成久別花發擬相招

那霖字雨蒼滿洲旗人乾隆庚午舉人有嘯月堂集

山溪雜興

秋雨落空山青翠滿巖麓石磴漱飛泉紆迴疊細穀孤鳥
出煙林偶與歸雲逐松杉藏古寺隱隱明金粟萋萋野卉
腴鬱鬱新蘿綠我欲問瑤芝伊人在幽谷

登西山玉皇閣天門

峭壁聳千尋捫蘿歷翠岑花侵樵徑窄雨積磴痕深巖石
隨人轉潭雲入樹陰天風何處落吹下步虛音

朱麟應初名振麟字潛起號梧巢秀水人乾隆庚午舉
人有穎業齋詩藁

送王穀原之太平分韻得謝字

風鳴梧葉秋夜靜霜華瀉叢生小山桂幽馥入簾乍王郎
發清興率爾攜不借姑溪千里近一權指江汜青山月將
滿采石帆應卸狂飲緬謫仙高詠追小謝所惜故園侶朋
箋待君訝歸期計重九黃菊壓新醅

鋤菜

禦冬謀旨蓄老圃闢塊坵雜蔬分畦栽秋菘及時拔溯厥
下種初草際尙鳴蛰土鬆根自沃露潤葉爭茁霜天氣淒
緊連隴刈棄枯菜始塌地肥莖淨不待刷其色旣蔥蒨其
味更甘滑藏之蓋可斷芼之羹可頡淡泊配鹽豉芳辛屑
椒櫟小槽新釀熟邀賓走短札黃雞紫蟹間野藪置甯忍
何況土酸寒登盤少特殺藿食性所便十饌遇七八不聞
窮塞生畫粥咽僧刹

臘月望集水琴山畫堂觀梅

倦客驚時序，寒花破萼新。
香浮疏牖月，暝借曲房春。
索笑牽鄉夢，聯吟得酒人。
一樽銷寂寞，淺醉任吾真。

余慶長字元亭，安陸人。乾隆庚午舉人，官成都同知。有壬癸詩藁、大樹山房藁。

人日過莫浪坡

蛇盤青嶺窟，猿落白雲窠。
人日常爲客，天涯復此過。
春煙生石磴，孤夢逐江花。
行息庵前水，清泉倚薜蘿。

退思堂懷輿山太守

十笏頽椽薜荔牆，無端躑躅退思堂。
子瞻詩和陶彭澤，曼叟歌招孟武昌。
簪領閒時惟閉閣，賓僚散去自焚香。
平生心迹真蕭瑟，落落高風未可望。

汪仲鈞字豐玉號桐石秀水人乾隆庚午舉人有桐石

草堂集

詩話豐玉曾祖晉賢先生讀書好友建裘梓樓貯圖書禁華及堂延賓客故子孫皆嗜學能文豐玉少時卽肆力於詩酷愛山谷半山二家而縝密深秀語必翻新無江西生硬粗鄙之習惜年不及三十遽卒

劉松年蘇蕙織錦圖

紹熙畫手仕女最神妙宮蠶出塞流傳多娉婷更貌蘇蕙
子畫譜縱軼應非訛中閨窈窕啟涼月有人無語織裳拖
襄陽不入五更夢鴛機軋軋無停梭桐飄露井蛩繞砌夜
明簾外低秋河張萱之三周昉一御玩耍不誇宣和江南
佳本題句滿記曾摘錄煩東坡暗門此卷偶爾得劇於十
五之女三摩娑當時伊人抱孤影陽臺暮雨愁如何流黃
宛轉織恨字八百四十歷歷明星羅文成自謂世莫解巧

壓四角盤中歌豈知桃村有美性癡絕迴環絡繹工清哦
魚箋亦似寫新怨墨痕黯淡如曹娥我題此畫重歎薄命
妾幾人悔過逢連波

幻居菴觀明萬歷名人分寫大方廣佛華嚴經

暑風吹滿娑羅徑華嚴墨海探佛乘閱古奚慚肉眼肉偷
閒卻愛淨域淨前賢已往塵劫換故紙初開墨香逆譯經
人稱晉法業補經年記唐證聖清涼師疏微可參金輪帝
序穢堪屏世界真從蒼荀藏光明定有兜羅映百年以前
道琳出萬歷之間寶閣盛三吳文物借莊嚴五載衣糧費
千請好事當時各擅名傳觀我輩尤生敬寒山弟子趙宦
光笠塢學人文震孟松圓詩老鈐記親雪嶠禪師偈語證
餘人半爲祈功德或者徑欲逃名姓閒心無著卽爲安公

案已添毋乃病此去中峯去住曾此經異代遷流更十萬
文同龍樹哀七萬字許宜官並伊余白業久欲專在家俗
緣嗟未竟筆聚須彌徒爾爲墨量大海何能稱且領清甘
飯後茶稍閒疎寂花前磬重來牢記看經時屢那白月當
炎令

馬文毅公集草辨疑歌

祖張父衛繁文興辨疑晦叔前明稱馬公書出蒙難際大
節豈與時爭能逆藩烽火連西粵公昔乘危實倉卒任寄
嚴疆僅四年兵圍臺署當三月引刀絕食仍羈囚降表誓
不簽名投此人倔强賊語信擊笏大字題於樓黜黜點黜
源流討一寸毛錐洩憂抱瘴霧迷漫土窖深想同血流淋
漓草太息我生真有命帙分十二毫鋒勁公書不見見公

詩整襟雒誦還生敬天之所佑妖孽殲救祠子葬皇恩兼
盲風怪雨廣福寺迎歸做麓精靈潛君不見魯公忠烈垂
不朽筆如修椽字如斗聖哲餘能語豈誣醉公敢用張顛

酒

聖哲餘能點畫精公
次祁陽謁魯公祠句

題吳樵史就鷗閣

寥天漠漠風獵獵我居峽中旬已浹青衫白髮笑逢君蘆
葦黃緣意稠疊三椽巧與市塵避一榻涼多風露接閣前
看山山擁簾閣裏讀書書滿篋游湍戲渚趣略同泛宅浮
家情故愜一綫寒流且伴眠四圍翠影常聞唼容顏五十
未衰颯景物東西恣收拾索處自憐雖作賦長貧乞米空
書帖周旋漁弟與樵兄扶持山童并竈妾定心縱斷隔樓
鐘照眼還開滿林葉瓢不空心酒細傾屐無前齒苔爭躡

旅人地主兩相忘看君醉啟丹砂頰

續中草堂蠟梅同吳樵史陳秋坪賦

傲裘透尖風畏寒寒已作木石枯與居僵立更偃卧何來
黃一枝春光暗引破栗玉色可玩雕蕾圓不大百卉久矣
胖天公閒豈奈巧返玉梅魂染酥未嫌婉雛蜂綴點點叢
鈴懸箇箇鼻觀香屢吹更訝熏百和飲非主人癖清醪出
亦頗對花壺細傾稍稍壓清餓因思坡谷眼標題定弗過
蕭然世外姿甯屑落塵屎紙帳掩不眠銅鑪擁還坐句子
效陸郎冷淡完舊課

夏夜小方壺同蕻石豫堂先生厚石作

梅雨乍歇梅風微桐花繞庭作雪飛四三冷伴擁深夕都
是去年花下客花開花謝曾幾時花應笑人忙未知酒力

詩懷兩無奈等閒負此分
鐙坐簟紋扇影涼與親
秋風彈指成前因早蟬珍
重催斜日警我勞心聲第
一鏡光十里涵新荷湖船
並坐敲側過逋暑僧寮會
應再夢魂已越孤山背

讀穀原清隱菴感舊詩卻寄溫州

蛤吹蟬吟幾夕陽精廬小
駐記槐黃當時詩酒真成
錯此地湖山故著狂佛供
塵龕渾面熟朋聯雨榻各
形忘前因似夢無端醒繭
紙題愁遠寄將

春風桃李各言姿臺隸羣
芳又一時棋局收來元息
詬琴絃絕後那求知悠悠
眼且橫雙白蹢躅袍甯染
一緇豹隱懷文吾縱愧只
今堅守浪翁規

衝寒去喚隔江舴眠食他
州勝舊無射圃將軍陪緩
帶經

齋弟子對肥壺靈丹或許陶公乞麗句還從謝客摹雁蕩
龍湫疲應接夢魂何暇到南湖

寂寞爲牀擯影聊藥匙茶筴送昏朝三楹老屋攻無蟻百
軸殘書護有貓摹古但斬車合轍違時安覬樹同條思君
一語何由面梅雨潺潺發短謠

題東坡定惠院寓居月夜偶出及次韻前篇二詩草
稟真蹟卽用其韻

碧梧翠柏庭鎖涼一雨丁耽晨達夜遺蹟坡翁昔所珍囊
開古錦明燈下意忘工拙特秀勁藤紙今猶墨光瀉海棠
詩傳凡幾本同時醉筆應差亞改罷長吟憶少陵贈翁一
語吾能借道山魂去竟無還五百春秋相代謝重函本是
子京物春日裝池道南舍幸不家如盧絳貧韻書肯換街

頭蔗坐中好事對鉤摹寒具多油碗還怕出神入化豈偶
然墨豬世上空譏罵

清溪相送來黃州僑寓城南恰春夜驚魄烏臺縲絏邊聞
心獅座幡幢下鐵拄杖瘦信步攜藥玉船深盡清瀉蔬飯
六時分供養竹梅一院聯朋亞枯形瘁色固世棄美景良
辰實天借夢裏妻孥月缺圓鏡中鬚鬢花開謝回頭富貴
總浮漚放眼乾坤眞傳舍苦則能全當道李佳須漸入堆
盤蔗有田不去豈非頑來日無多更堪怕展公剩墨識公
心漁樵雜處何妨罵

九月十二日集范湖草堂補作重九有賦

烏蟾過眼何駸駸鴟夷祠外虛登臨萸囊菊枕已陳跡一
杯終要開煩襟夙興天色喜澄爽三徑忽送楚然音酒人

麋至意良愜履綦亂印苔花深一泓者池碧以瀏一拳者
石奇而嶽娑羅下覆藤上絡引吭飛出雙青禽斯圍踞勝
五百載岳曹相繼高風欽煙雲一旦落吾手古倏成古今
成今陶莊黃雀馬斲蟹佐以新釀循環斟及時行樂語非
誕髡鬆漸見霜毛侵坡翁南遷寄儋耳放翁老病居山陰
開樽類不拘節候達人寓物無成心去年萬子客京國黑
窰廠外高臺尋朋箋好事補佳會惜余未獲陪冠簪天南
天北等牢落悲秋但效寒蟲吟憑闌舊雨入遐想斜陽西
墜鴉投林

湘客見訪留飲有作

巋然若上翁齒豁髮且皤晚境天所阨迤邐理云那辟糶
室無人孤絕成頭陀無裳復誰念叩盆不能歌食子久已

亡一慟如西河收子僅碧斲析薪期負荷莓莓東郊田蕘
莠侵其禾無以具餽粥謀生策如何余也厭囂塵城隈闕
行嚮手把種樹書自比郭橐駝消寒有成約翁今刺船過
舊游復舊游亭館聊婆娑人生信如寄日月東逝波非金
亦非石焉能保不磨萬事姑置之勉盡金叵羅心爲憂患
搜所失良已多我言翁曰然渥赭顏徐醜繩牀澹無夢西
風撼庭柯

奉酬息園從叔送別元韻同厚石作

易水今成兩度游臨觴無語對朋儔鈍根每愧書撐腹坦
路甯嗟命壓頭水竹一年賒半宅風霜千里縱重裘負暄
夢裏談經地踪跡渾如旋磨牛

劉墉字崇如號石庵諸城人乾隆辛未進士改庶吉士

授編修官至體仁閣大學士加太子太保諡文清有

劉文清公集

詩話文正清德重望雅不欲以詞章自見文清繼相克守庭誥故雖變理之暇述作不倦而集中率多擬古和韻及賡應進御之作王蘭泉言十餘年來得公手書近詩甚夥清新超悟有香山陳坡風格陳子韶嘗合梁山舟書鐫於西湖上名曰

劉梁台壁書名過重詩為所掩

玉波冷雙蓮

詠吳宮二隊長也事見唐人說部中高季迪為補其詞未盡題蘊朱石君邀子

同作石君兄弟服膺甘谷於此題固應有佳致予被牽率苦難競美也

紅冰一片凝雙魂江斐夜弔秋煙痕修頰雪接弱無骨對
泣餘膏咽孤月嬌憐負轉如流彈覓影不見空折盤蚌珠
拾得無處著歌怨莫邪聲更寒江中碧化古時魅裁佩偏
宜素腰膩唾壺已碎失麝脂濃入吳波波亦醉故宮雲老
東西迷十二欄干鎖玉肌吳蠶作繭不裹肉飛出雙蛾向

江吳烏麤紗綠機聲絕餘織青紅兩雌蜺青鋒祇欲飮蠟
燐臂上守宮焉未滅

和王臨川杭州修廣師法喜堂韻

堂中了了見文殊道人似秋潭虛不求五欲以自恣以
法爲樂喜有餘青山白雲遠縈帶碧梧翠竹交扶疎乞食
一鉢萬事了洗鉢宴坐忘朝脯門外紅塵盈十丈塵中有
客常崎嶇清談名理侔衞樂高論康濟追唐虞偶來憩息
意良愜尙有客氣論賢愚教乘滋茂信有力廊廟何必殊
江湖

讀吳梅村集

六朝金粉擅風流射策東堂片玉收事去不無江總恨宦
成薄有杜陵愁淒涼法曲秦淮夜慷慨悲歌易水秋寶玦

飄零紅袖泣幾多哀豔爲君留

武昌懷古

大別山前江水橫煙波江上古今情王敦不忌溫忠武劉
表翻嫌禰正平城郭人歸雲未散汀洲春綠草還生秋風
吹夢瀟湘浦回首南樓月正明

譚尙忠字古愚又字希夏號蒼亭南豐人乾隆辛未進
士官至吏部侍郎有紉芳齋詩集

早至盱城

秋風瀑布吼飛泉高下歸帆趁早天望斷溇陽飛不到北
風偏入下江船

鍾嶺早行

旅館夜淒清村雞喚曉行山寒風有力霜重葉聞聲僕僕

山川意悠悠，天地情今年。餘幾日，猶自滯歸程。

送張西曹南旋

解珮東歸去，春江正綠波。祇因閑菊徑，兼要著漁蓑。居士陶元亮，神仙張志和。紅塵十丈裏，誰聽濯纓歌。

何逢僖字敬儒，號念修。侯官人。乾隆辛未進士。官至禮部侍郎。有春明稟西行小草。

送林又眉合鍵爲

嘉陵風景畫難成，羨爾飄然捧檄行。路入蠶叢千嶂合，江迴巴字一帆輕。衙齋畫永花當座，官閣春深鳥喚名。還有故園佳絕味，絳囊鮮擘玉晶瑩。

葉觀國字毅菴，閩縣人。乾隆辛未進士。改庶吉士，授編修。歷官侍讀學士。有綠筠書屋詩鈔。

詩話殺菴五典鄉試三督學政乘傳成吟幾於一官
一集詩圓勻熨貼極見功力其七律專學坡公蓋亦
閩中博雅之才傳汝
舟謝在杭之流亞也

初至滇中

自到苴蘭客意寬
雞山嵐翠捲簾看
雨來龍起滇波立
霜重茅稀瘴地乾
幾樹優曇添夜色
一杯呶魯壓朝寒
信知佛國相鄰竝
四序清涼枕簟安

秋日雜詩

向夕長廊散步遲
礎聲清切動涼颼
一繩賓雁初辭塞
三匝棲鳥未定枝
秋意到門桐葉覺
客心中夜砌蟲知
朝來買取黃華好
卻憶東皋舊短籬

檐間餘滴弄新晴
斗室閒觀見物情
帶露殘蟬多羽調
閨人老樹少商聲
風寒盧水波痕減
霜落津門蜃氣明
卻喜

書齋省綠撲窗蠅就凍帳蚊清

出郊

跋馬東郊路新晴雨氣涼高樓秦氏宅翠竹贊公房野闌
雲垂地齋幽水上堂小航來往鬧風景似江鄉

奉命典試滇南道中雜詠

十里八九折一村三五家山多易雲雨水迅乏魚鰕羹煮
雞堪脆花簪龍爪斜時逢歸峒客恰及宿林鴉
何年五丁斧關路闢噴岍孤戍雲頭住層城井底看羅施
門戶遼狔狔拊循難天險須防護承平慶乂安

忝是三年使重爲萬里游碧雞仍照眼白雪已生頭細雨
苴蘭暮疎楓菜海秋當時同輩盡鴛下愧轅轅

春仲八日皇十一子召集擷秀山房同人吉通政湄

厓茅庶子耕亭錢殿撰湘舫咸在座

春山掃翠春雲濃麴塵待颺催花風明湖滄滄舒卵色時
節恰在中和中西園置酒值清暇聯輝花萼停紅聽高襟
各自屏軒蓋接席特許陪章逢山房奧曠身未到洞壑竚
窈窕丰茸架標籤軸雜細縹案登白獻兼瓷銅須與張燈
奏新樂樂句乃本香山翁金釵鈿合致繾綣山海碧落追
鴻濛可信古詩皆入曲關睢股武諧徵宮人言是日佛出
世入關盛會喧兒童流傳小說誰復訂當歌且對甌飴紅
泛杯醞醪色激灑挂欄初魄光朦朧禮寬意優銜威重辰
良景美言歡同曲終上馬各歸舍明發聽漏趨銅龍

進哨

谿河一徑萬峰圍六道河壩百草肥爭路駝裝摩背過嘶

風番馬跨山飛帷城環匝依雲陣帳殿中央應紫微腰箭
臂鷹多猛士自嗤簪筆曳褒衣

邱芷房編修

庭滄

贈長生無極瓦硯

瓦當文字錄者誰百十二種形模奇長生無極乃其一云
是阿房舊宮之所遺自從銅雀香姜收作硯鼉磯龍尾名
空馳埏埴況在漢魏上筆法頗疑丞相斯編修校士向關
隴輶車來往驪山陞斬年蘭池訪陳跡但餘瓦礫縈荆荻
偶然拾自清渭湄製爲墨沼蒼璆姿匣裝氈裏遠餉我重
之奚翅十朋龜我聞羽陽之瓦出荒壟流傳藝苑如韓碑
甘泉一枚誇剗獲當年羣雅留歌詩豈意神物興有時珠
聯璧合何纍纍紛綸延壽益壽字鄭重億年萬歲辭祕文
吉語爲國瑞何異器車銀甕祥姚姬我爲墨磨雙鬢絲無

多來日徒嗟噫晴窗拂几看硯背死籍可落應軒眉冷金
細拓侑石鼓并華新汲研隄糜老來懶事蟲魚注持寫黃
庭內景師楊羲

周於禮字綏遠號立崖嵒峨人乾隆辛未進士歷官大
理寺少卿有聽雨樓詩集

訪竹坪給諫

得歸曾未易已事耐思尋半畝餘生計十年空好音敷原
荒草色閱世老松心日暮迴車去霜楓醉遠林

羅典字徽五號慎齋湘潭人乾隆辛未進士改庶吉士

授編修歷官鴻臚寺少卿

詩話慎齋乾隆丁卯舉解首嘉慶丁卯重赴鹿鳴宴
明年卒壽九十性嚴重六經皆有撰述詩清婉可誦

送易南有之官南安

純孝先生眉髮青長安絡馬向南溟入雲高蓋迎征鞅流
水離琴送驛亭滿地春風人似柳一塘芳草客如萍獨憐
潑墨供持贈竹葉梅花總性靈

張曾做字愷似號樞庭桐城人乾隆辛未進士改庶吉

士授檢討歷官少詹事

詩話桐城張氏文端文和二公以繼世之章平作中
朝之魏丙弟昆子姪澂爽交輝樞庭弟蠡秋曾虔輯
文端至樞庭四世十人應制之詩爲講筵四世詩鈔
石君覃溪賓谷諸公爲作序故宋喬木地望猶存蘇
集聯珠國華益廣
誠承平之盛事也

八月初六日拜分校之命入闈用王衷白先生韻

朝傳丹綉五雲深鎖院重教荷橐臨不讓采風分蕩簡自
矜修月入騫林三廳星聚奎文麗七載鸞馳往蹟沈惟有
素懷清白在玉壺一片是冰心

障眼紅紗誤恐深披文彌復塵如臨銘操恰侍臯比座簪
盃眞成翰墨林舊雨重借情倍密獨絃無和響應沈傾崑
取玉尋常事莫慰荆和獻璞心

陳鴻寶字寶所仁和人乾隆辛未賜舉人由中書歷官
工科掌印給事中

過可莊訪汪玉岑

十年阻面惜心朋歸計菟裘歎未能近水誅茅輸爾早款
門看竹記吾曾生涯漫指營巢燕氣味何如退院僧乘興
自今來往熟春波一權入西冷

清游大好續前賢手掬參寥一勺泉長日鬪茶松院雨春
山燒荀佛廚煙無邊樂事歸吟筆有分行窩著散仙我亦
忘機鷗鳥伴段家橋外水如天

戈濤字芥舟號遠園獻縣人乾隆辛未進士改庶吉士

授編修歷官刑科給事中有坳堂詩集

詩話芥舟初以孝廉試令泮中知嵩縣釋事解官辛未以經學徵是歲卽登第自詞館入諫恒屢上封事號敢言擇交甚嚴與友善者邊隨園李廉衣一二人而已其卒廉衣爲制朋友之服詩格律謹嚴氣勢浩瀚兼有高岑王孟蘇陸諸家勝概

訪東澗僧不遇

我聞東澗僧能詩似齊已策杖一幽尋潺潺兩澗水深院
閉無人微聞松落子

自懷化驛山開路夷達羅舊

遮眼山萬重重了無異石磴緣乖崖棱鏘削脊臂長繩
挽崇攀眾力留俯墜有泉半沮洳有田盡蕪穢晚宿懷化
亭朝光引征騎平疇乍軒豁峻嶒如引避蒼翠透林間斜

睇翻嫵媚稍舒紆鬱懷遂縱青冥轡迢遙展流覲浩蕩生
遐思汨汨沅江來權謳雜清吹惜景追前程長謠慰勞勤
古槎行爲梁階平前輩作

橫階十尺煙光青枯槎溜雨敬中庭奇質疑遭龍火劫遺
珠黯淡蟠雷霆膚理庚庚繡石髮古斑似結丹砂英蛇穿
螭齧螻蟻穴時有光怪騰宵冥當年移植西湖種留煙宿
月延風清遞經門闌換主客誰記歲月分衰榮斷節半銜
癡瘦長盤凹或寄華茗生主人愛護不忍斫環以翠篠森
亭亭時來旋繞據其腹聳肩袖手吟伊嚶摩挲幾同增慨
息含毫渺慮悲蘭成古音琅琅響清絕恍奏長笛開林垌
我生閱世本百感况觸孤調傳商情哦詩夜半蟲語歇空
堂浙浙來秋聲

雨夜

涼氣入庭竹蕭蕭聲作秋應知今夜雨頓長百泉流淇水
經前渡蘇門憶昔游十年彈指事伏枕夢悠悠

別盤山

青溝住獨久珍重別髯髡石訂重來約山留昨夜魂東西
分澗水次第下煙村回首從前路天城近石門

題張氏山居

會心豈在遠得意無能名一徑古松色半崖秋水聲聞雲
將鳥意叻鹿雜人行最識幽居好馬蹏塵又生

贈董清平變庵

樓遲鎖院論文日彈指流光已十年異地相逢嗟共老故
人雖在散如煙華風久格蠻夷俗靈雨新霑芋栗田莫歎

官貧公祿薄與君疇昔酌清泉

吳肇元宇會照號百藥大興人乾隆辛未進士改庶吉
士授編修歷官侍讀有桐華書屋詩藁

雨中同申笏山寓直西苑

宮觀鬱相望霏微花氣香風生高柳外秋起暮雲傍嵐翠
衝簾溼蟬聲帶雨涼共來搔短鬢應已愧長楊

路談字晉清一字微之號梧齋甯夏人乾隆辛未進士
改庶吉士

游韋曲牛頭寺看桃花

珠簾翠幙曉瞳矓御宿樓臺仿像中只有穿花雙燕子舞
衣還試舊東風

寺前鞍馬若游龍山下夭桃爲客容老衲不知春欲暮倚

樓自打晚來鐘

饒學曙字齊南廣昌人乾隆辛未一甲二名進士授編修

題汪輦雲魚亭遠眺圖

寫生不在貌微意託楮端披圖窮窈窕颯颯秋氣寒長松倚天際白雲浮漫漫孤亭傍危石彷彿聞幽蘭中有苦吟士十年著一冠宮商發天籟絲竹鳴流湍古調非不美不爲俗耳歡改弦諧眾慮惻惻心悲酸邯鄲求故步失路空蹒跚行矣慎自愛莫歎知音難

王元啟字宋賢號惺齋嘉興人乾隆辛未進士官將樂知縣有祗平居士集

詩話惺齋學宗宋五子尤精於易旁通算術音律文法昌黎撰讀韓記疑易贊前一日箇乎其子女正記

疑願宗實錄條中
二字其滿篇如是

古林禪室

一徑疎籬帶落花苔痕踏破野人家
甘蕉過雨分窗潤稚竹迎風入檻斜
玉研溪藤摹舊帖綠沈甕碗品新茶
無端生計頻爲客拌向青門學種瓜

張紹字聞衣簡州人乾隆辛未進士官永豐知縣

韓江卽事

孤舟豈遂與心違每日江邊上釣磯
山外虹連秋影挂夜來暑逐雨聲歸
驚人翡翠狂飛健點水蜻蜓羽力微
好趁月明拌一醉漁翁恰賣鯉魚肥

晚晴移詩匯卷八十終